



ПРИЛОЖЕНИЕ

МЕСЯЦА ЯНВАРЯ В 24-й ДЕНЬ

Святѣя блаженныя Ксѣнии Петербургскія,
Христа ради юродивыя

НА ВЕЛИЦЕЙ ВЕЧЕРНИ

На Господи, воззвах: стихиры на 8, глас 8.

Подобен: О, преславнаго чудесе:

Блаженная Ксѣние богомудрая, / чистая твоя душа, / правоверным смыслом сияючи / и облистачаючи добродетелей светлостми, / озаряет верных исполнение, / бесовскую тьму отгоняючи. / Темже ты, яко причастницу / невечерняя благодати, // ублажаем благочестно вси, досточудная.

Блаженная мати, / основание положивши добродетели, / древняго человека с похотью совлекшися, / во Христа облеклася еси воистину. / Темже и победила еси / многая вражия ополчения, / наставница была еси многим людем / града святаго Петра, // Ксѣние достохвальная.

Богоугодным житием укрепляющися, / страсти плотския / от души отгнала еси, / угоднице Христова, / темже к Божественной жизни представилася еси / и с лики праведных водворяешися. / Сего ради почитаем ты священными песнями / и радостно восхваляем, // Ксѣние всеблаженная.

Слава, глас 6:

Кто не удивится, / кто не прославит, / кто не воспоёт во Христѣ мудрое и преславное житиѣ твоѣ, / маѣи Ксѣнии, / яко и по святѣм преставленіи твоѣм / подаѣши притекающим вероу врачеваніе богатное. / Тѣм же воспеваем Благодателя Бѣга, / явившаго тя, блаженную, // ко исцеленію душ и телес наших.

И ныне, Богородичен.

Вход. Прокимен дне. И чтенія.

Премудрости Соломоновы чтеніе (глава 3):

Праведных души в руцѣ Бѣжией, и не прикоснется их мука. / Непщевани бѣша во очесѣх безумных умерти, и вменися озлобленіе исход их. / И еже от нас шествіе сокрушеніе, онѣ же суть в міре. / Ибо пред лицѣм человѣческим аще и муку приимут, упованіе их безсмертія исполнено. / И вмале наказани бѣвше, великими благодѣтельствовани будут, / яко Бог искуси я и обрете их достѣйны Себѣ. / Яко злато в горнѣле искуси их, и яко всеплодие жѣртвенное прият я. / И во время посещенія их возсияют и, яко искры по стѣблию, потекут. / Судят языком и обладают людми, и воцарится Господь в них во вѣки. / Надѣющіися Нань разумѣют истину и вернии в любви пребудут Ему. / Яко благодать и милость в преподѣбных Его, и посещеніе во избранных Его.

Премудрости Соломоновы чтеніе (главы 5 и 6):

Праведницы во вѣки живут, и в Господѣ мзда их, и попеченіе их у Вѣшняго. / Сего ради приимут Царствіе благолѣпія и венѣц доброты от руки Господни, / занѣ десницею покрѣет я и мышцею защитит их. / Приимет всеоружіе рвеніе Своѣ и вооружит тварь в мечь врагом. / Облечѣтся в броня правды и возложит шлем, суд неліцемерен. / Приимет щит непобѣдимый, преподѣбіе. / Поострит же напрасный гнев во оружіе; / споборет же с ним мир на безумныя. / Пойдут праволучныя стрѣлы молниины / и, яко от благокругла лука облаков, на намѣреніе полетят. / И от каменомѣтныя ярости исполнь падут грады, / вознегодует на них вода морская, реки же потопят я нагло. / Сопротив

станет им дух силы, и, яко вихор, развеет их,/ и опустошит всю землю беззаконие, и злодейство превратит престолы сильных./ Слышите убо, царие, и разумейте, навикните, судий концев земли./ Внушите, держащие множества и гордящиеся о народах языков,/ яко дана есть от Господа держава вам и сила от Вышняго.

Премудрости Соломоновы чтение (глава 4):

Праведник, аще постигнет скончатися, в покое будет./ Старость бо честна не многолетна, ниже в числе лет исчитается./ Седина же есть мудрость человеком, и возраст старости житие нескверное./ Благоугоден Богу быв, возлюблен бысть, и живый посреде грешник преставлен бысть./ Восхищен бысть, да не злоба изменит разума его, или леть прельстит душу его./ Рачение бо злобы помрачает добрая, и парение похоти пременяет ум незлобив./ Скончався в мале, исполни лета долга. Угодна бо бе Господеву душа его, сего ради потщася от среды лукавствия./ Людие же видевше и не разумевше, ниже положше в помышлении таковое./ Яко благодать и милость в преподобных Его/ и посещение во избранных Его.

На литии стихирь, глас 4:

Дал еси образ терпения и мужества,/ Преблагий Господи,/ праведную Ксению, многая чудеса источающую,/ словеси и дела сияющую,/ незлобием и кротостию украшенну./ Тем Твое неизреченное смотрение славим,/ Иисусе Всесильне, // Спасе душ наших.

Исцеляти страсти души и тела/ дар от Бога истинно приемши,/ блаженная Ксение,/ преестественно исцеляеши вся,/ не человеческими врачеваними, // но Божественными дарованьми.

Отвергнуши мирскую суету,/ любовию Христовою связася, Ксение блаженная,/ постническая труды и лишения претерпела еси,/ укрепляема силою от Девы Возсиявшаго. // Темже ныне водворяешися, идеже праведных селения.

Слава, глас тойже:

Воздержанием житие твое украсившая/ и уды умертвившая,/ победила еси вражия прилоги, блаженная./

Тёмже со всіми святými сла́вим/ и торжеству́ем свя-
щенную па́мять твою, // прося́ще обрести́ молитвами
твоими́ ве́лию ми́лость.

И ны́не, глас то́йже:

Свеще́ неугаси́мая, / престо́ле Господень, / Пречи́с-
тая Влады́чице, // моли́ спасти́ся душа́м нашим.

На стихо́вне стихи́ры, глас 6.

Подобен: Тридне́вен:

Жити́е твоё, я́ко со́лнце, / сердца́ ве́рных озари́ / и
мно́гия к пока́нию приведе́, / тёмже и нас све́том не-
вечерним просвети́, / Ксе́ние свята́я, // всечестну́ю
твою́ па́мять почита́ющих.

Стих: Пра́ведницы во ве́ки живу́т, // и в Го́споде
мзда их.

Досто́йне хва́лима еси́ на земли́, / целите́льнице не-
ду́жных, богоблаже́нная Ксе́ние, / я́ко и по кончи́не
твоёй усердно́ к тебе́ прибега́ющая / от недуѓ свобож-
да́еши. / Тёмже непреста́нно моли́ // спасти́ся душа́м
нашим.

Стих: Надё́ющиеся Нань́ разумёют и́стину, // и ве́р-
нии в любви́ пребу́дут Ему́.

Немо́щна су́щи, сла́вная, / си́лою Бо́жиею ко́зни
вра́жия победи́ла еси́, / страна́ну проходя́щи жизнь / и
стра́сти телесны́я умертви́вши, / ны́не на Небесе́х жи-
вёши, // иде́же обрела́ еси́ и́стинное жили́ще, Ксе́ние
богомудра́я.

Сла́ва, глас 4:

А́нгельское жити́е на земли́ яви́ла еси́, / Ксе́ние все-
блаже́нная, / исто́чнице уми́ления, ми́лости течёние, /
пучи́но чудес, струё́ исцелёний, / ма́слино Бо́жия вои́с-
тину́ плодови́та, / елее́м трудо́в твои́х просвеща́ющая
ве́рно хва́лящих тя. / Моли́ Человеколю́бца от бед из-
ба́вити // любо́вию чту́щих всечестну́ю па́мять твою́.

И ны́не, глас то́йже:

Тёплое заступле́ние су́щим в беда́х / и Помо́щницу
нашу, / Ё́юже от тли изба́вихомся, // Богоро́дицу, ве́р-
нии, всеусердно́ ублажа́ем.

Тропáрь, глас 7:

Нищету Христову возлюбивши, / безсмертныя трапезы ныне наслаждаешися, / безумием мнимым безумие мира обличивши, / смирением крестным силу Божию восприяла еси, / сего ради дар чудодейственных помощи стяжавшая, / Ксэние блаженная, моли Христа Бога // избавитися нам от всякаго зла покаянием.

Слава, и ныне, Богородичен.

НА УТРЕНИ

На Бог Господь: тропáрь святыя дважды. Слава, и ныне, Богородичен.

По 1-м стихословии седáлен, глас 3:

Мирскую красоту оставила еси, / пременивши богатство тлеющее на непреходящее, святая Ксэние. / Темже со всеми святыми славим / и торжествуем священную память твою, / просяще обрести молитвами твоими, блаженная, велию милость.

Слава, и ныне, Богородичен:

Недомысленно и непостижимо есть, Владычице Богорадованная, / еже соделанное о Тебе страшное Божие таинство, / яко, Необыменнаго зачэнши, родила еси / плотию обложена от пречистых кровей Твоих. / Егоже, Благодатная, яко Сына Твоего и Бога, моли / спастися душам нашим.

По 2-м стихословии седáлен, глас 5:

Воздержанием житие твое украсивши и плоть духу покоривши, / победила еси вражия прилоги, / во смирении же и пощении Бога взыскавши, богоблаженная.

Слава, и ныне, Богородичен:

Молитвы рабы Твоея Ксэнии примй, Богородице, / и избави нас от всяких бед, / яко родила еси Христа Спаса, Избавителя душ наших.

Величание: Величаем тя, / святая блаженная мати Ксэние, / и чтим святую память твою, / ты бо молиши о нас // Христа Бога нашего.

Псалом избранный: Терпя, потерпех Господа:

По полиелее седален, глас 4:

Чюдна явилася еси в терпении твоём, / всячески Христу угодила еси, всеблаженная Ксение, / мудрою мыслию утвердивши душу твою / и покоривши духу плотская мудрования, / избрала еси добрая, еже Богу работати. / Сего ради Христос дарует благодать и милость молитвами твоими / чтущим любовь святую память твою.

Слава, и ныне, Богородичен:

Обуревают мя волны греховныя / и возмущение безместных помышлений, / умилосердися, Всенепорочная, / и руку ми помощи, яко Милостива, простри, / да спасся, величаю Тя.

Таже степенна, 1-й антифон 4-го гласа. Прокимен, глас 4: Праведницы во веки живут, // и в Господе мзда их. Стих: Надеющиеся на Нь разумеют истину, и вернии в любви пребудут Ему. Всякое дыхание: Евангелие от Матфея, зачало 43.

По 50-м псалме стихира, глас 6:

Житие твоё, яко солнце, / сердца верных озари / и многия к покаянию приведё. / Темже и нас светом не вечерним просвети, / матери Ксение, // всечестную память твою почитающих.

Канон Богородицы со ирмосом на 8 и святых на 6.

Канон святых, глас 8.

Песнь 1

Ирмос: Воду прошед, яко сушу, / и египетскаго зла избежав, / израильтянин вопияше: // Избавителю и Богу нашему поим.

Водю Крещения омывшись, / первороднаго греха избавилася еси, матери Ксение, / и наша сердца слезами покаяния очисти, / просвещение подаючи почитающим святую память твою.

В воде Крещения змия лукава потопившая, / житием твоим страдальческим вражию силу умертвила еси, блаженная, / от неяже и нам избавитися Спаса умоли.

Воду живую неистощимых даров/ подаде тебе Христос, блаженная мати,/ Егоже нищету вольно возлюбила еси.

Богородичен: Воды покаяния подаждь ми, Пречистая,/ и, очистивши мя от нечистоты греховныя,/ чиста представи, Богородительнице, Сыну Твоему и Богу.

Песнь 3

Ирмос: Небеснаго круга/ Верхотворче, Господи,/ и Церкви Зиждителю,/ Ты мене утверди в любви Твоей,/ желаний краю, верных утверждение, // Еди́не Человеколюбче.

Небеснаго круга Зиждителю все житие твое отдавши,/ возлюбила еси Того до конца,/ сподоби и нас молитвами твоими, блаженная,/ любить Господа до конца дней наших.

Небесныя жизни желаючи,/ в житии твоём вся земная пренебрегла еси,/ сподоби и нас, мати Ксэние,/ молитвами твоими Небесныя жизни достигнути.

Небеснаго чертога желаючи,/ странническое житие прешла еси/ и ныне со всеми святыми в Небесных чертозах ликуеши.

Богородичен: Небеснаго Творца, Богородице всепетая, рождши,/ Небес пространнейшая явилася еси./ Нас от пространнаго пути погибельна уклониши,/ на Небесный путь настави, молюся.

Седален, глас 5:

Яко странница во граде святого Петра явилася еси,/ благоволением Божиим укрепляема, мати премудрая,/ Божественных даров и чудес удостоившаяся./ Темже, имущи дерзновение ко Христу Богу,/ мир испроси душам нашим и велию милость.

Слава, и ныне, Богородичен:

Мати Пречистая, граде Божий,/ избави люди Твоя от бед/ и помощь подаждь противитися врагом гордым, да вопием Ти:/ радуйся, Благословенная.

Песнь 4

Ирмос: Услышах, Господи,/ смотрения Твоего таинство,/ разумех дела Твоя// и прославих Твое Божество.

Услы́шавши, Ксе́ние, я́ко Небеса́ пове́дают сла́ву Бо́жию, / отвéргла еси́ суе́ту мирску́ю / и в по́двиге поста́ и лишéния на земл́и Бога́ сла́вити возжелéла еси́, / Егóже сла́вити и нас сподóби.

Услы́шавши и уразумéвши дела́ Господ́ня, / просла́вила еси́ Егó Божество́, / надéждею и любóвию к Немú украсívши дúшу твою́, / по́двиги просветíлася еси́, блажéнная, Бо́жиею сíлою укрепля́ема.

Услы́шавши прещéния вра́жеская и вся́кия кóзни от них терпя́щи, / непоколеб́има пребыла́ еси́, / и нас непоколеб́имых в добродéтелях утверди́.

Богорóдичен: Услыши, Пречíстая Влады́чице, молéния на́ша, / и избáви нас от насíлия вра́жия, / и глас Христóв, призывáющий благословéнные в Цáрство, услы́шати сподóби.

Песнь 5

Ирмо́с: Просветí нас повелéнии Тво́ими, Гóсподи, / и мы́щцею Твоéю высóкою / Твой мир пода́ждь нам, // Человеколóбче.

Просвещáхуся вёрнии лю́дие, / зря́ще незлóбие и кротость твою́, мáти Ксе́ние, / помози́ и нам, блажéнная, подражáти твоemú незлóбию.

Просветívши стезю́ жízни твоея́ свéтом богоразу́мия, / Христá Гóспода вседúшне возлюбíла еси́, / сподóби и ны, блажéнная Ксе́ние, в сем бы́ти тебе́ подражáтели.

Просветí нас, о мáти Ксе́ние, надéждею и любóвию ко Гóсподу, / ны́не бо зря́щи Христá лицéм к лицу́, свéта неизречéннаго наслажда́ешься, / Тому́ за ны моли́ся.

Богорóдичен: Просветíла еси́ омрачéнное естество́, Богорóдице, / Свет íстинный рóждши, / тэмже и нас свéтом просветívши, от мра́чных враг свободí.

Песнь 6

Ирмо́с: Молíтву пролию́ ко Гóсподу / и Тому́ возвещú печáли моя́, / я́ко зол дущá моя́ испóлнится, / и живóт мой áду прибли́жися, / и молю́ся, я́ко Иóна: // от тли, Бóже, возведí мя.

Молíтву, я́ко истóчник приснотеку́щий, ны́не излива́еши, / недúжныя исцеля́ючи, крéпость и сíлу стра́ждущим пода́ючи, / сподóби и нас молíтвами тво́ими избáвиться от вся́ких лю́тых.

Моли́твую Небе́сною и по кончи́не твоёй от недугъ свобожда́еши, / целительнице безме́здная, досто́йно хва́лима еси́ на земли, / моли́ся о душа́х на́ших.

Моли́тву на́шу приими́, ма́ти Ксе́ние, / да в честный храм твой при́дем со тща́нием / и неду́гов душе́вных и страсте́й теле́сных исцеле́ние ско́ро при́емем.

Богоро́дичен: Моли́твую Твоёю всемо́щною, Пречи́стая, / изба́ви нас от враг ви́димых и неви́димых, от грехо́в и всякия му́ки, / я́ко ро́ждшая Чело́веколю́бца Бо́га.

Конда́к, глас 3:

Днесь све́тло ликует град свята́го Петра́, / я́ко мно́жество скорбя́щих обрета́ют утеше́ние, / на тво́я моли́твы наде́ющеса, / Ксе́ние всеблаже́нная, // ты бо еси́ граду́ сему́ похва́ла и утвержде́ние.

И́кос:

Ка́ко возмогу́, грешный аз, скве́рный душе́ю и теле́м, / пове́дати е́же во плоти́ равноа́нгельное жити́е твоё и пресла́вная чудеса́, / а́ще у́бо мно́зи премудри́и не дерза́ют испове́дати / мно́гаго твоего́ терпе́ния и смире́ния и тёплым ко Христу́ любве́? / Но о́баче наде́йся на твоё заступле́ние, о блаже́нная, вопию́ ти: / ра́дуйся, я́ко вездé призыва́ющих тя ско́ро предва́ряеши, / ра́дуйся, я́ко мно́жество скорбя́щих обрета́ют тобою́ утеше́ние, / ра́дуйся, свята́я блаже́нная ма́ти Ксе́ние, // граду́ сему́ похва́ло и утвержде́ние.

Песнь 7

Ирмо́с: О́троцы евре́йстии в пещи́ / попра́ша пла́мень дерзнове́нно / и на ро́су огонь преложи́ша, вопию́ще: // благослове́н еси́, Го́споди Бо́же, во ве́ки.

О́троки евре́йския А́нгел от огня́ неопальны сохра́ни / и тебе́, Ксе́ние, в страна́нничестве жити́и укрепи́, пою́щу: / благослове́н еси́, Го́споди Бо́же, во ве́ки.

Де́тем ева́нгельски подража́ла еси́ в жити́и твоём, / сте́зю те́сную проше́дши в незло́бии, / те́мже и нас на по́двиг добродете́ли се́я укрепи́, пою́щих: / благослове́н еси́, Го́споди Бо́же, во ве́ки.

О́троко́м в пещи́ халде́йстей подража́юще, Ксе́ние, / воспева́ла еси́ Христа́, да́вшего ти кре́пость, / те́мже и

мы, чтуще тя, блаженная, со дерзновением зовем:/ благословен еси, Господи Боже, во веки.

Богородичен: Отроковице Дево, простри на нас милость Сына Твоего,/ да кромешныя тьмы избавимся мольбами Твоими, поюще:/ благословен еси, Господи Боже, во веки.

Песнь 8

Ирмос: Победители мучителя и пламене/ благодатию Твоею бывше,/ заповедем Твоим зело прилежаще,/ отроцы вопияху:// благословите, вся дела Господня, Господа.

Победительница страстей явилася еси, Ксение,/ люта я искушения вражия побеждаючи и непрестанно поющи:/ благословите, вся дела Господня, Господа.

Побеждаючи всякия страсти греховныя,/ ты, блаженная, яко светла звезда явилася еси,/ приводиши бо жены, падшия во грехи, во еже целомудренно жити и в покаянии воспевати:/ благословите, вся дела Господня, Господа.

Победительница греха явилася еси, блаженная мати, благодать Вышняго имущи./ Темже Небесная достигла еси, идеже ныне со Ангелы поеши:/ благословите, вся дела Господня, Господа.

Богородичен: Победе во бранех духовных верным пособствуеши, Пресвятая Дево,/ темже и людем града нашего помощь Твою низпосли, да выну поем:/ благословите, вся дела Господня, Господа.

Песнь 9

Ирмос: Войстину Богородицу/ Тя исповедуем,/ спасеннии Тобою, Дево Чистая,// с безплотными лики Тя величающе.

Войстину разум Христов имела еси, Ксение,/ смирение, кротость, веру несумненну, надежду и любовь, яже к Богу,/ и нас сего сподоби, да с тобою Христа присно величаем.

Войстину на тебе, Ксение блаженная, исполнися Христово проречение:/ претерпевый до конца, той спасен будет,/ ныне бо со всеми спасенными Христа присно величаеши.

Войстину никто́же, притека́яй к тебе́, блаже́нная ма́ти,/ тощъ благодáти Бóжия отхóдит,/ ея́же и нас испóлни, да ты велича́ем.

Богорóдичен: Войстину Богорóдицу Тя, Дéво и Ма́ти Слóва,/ Ходáтаицу сýщую нам, Сóлнце правды возси́явшую,/ вёрнии, единомóдренно пёсньми велича́ем.

Светíлен:

Якоже со́лнце светонóсно, возсия́ ны́не, блаже́нная ма́ти, па́мять тво́я,/ вся вёрныя веселя́щи, и́же моли́твенно взывáют ти:/ моли́ся приле́жно спастíся нам.

Богорóдичен: Держáвным Тво́им покрóвом, Пречи́стая,/ нас, рабóв Тво́их, от наве́тов вра́жиих сохраня́й всегда́ невредíмых,/ Тя бо еди́ну стяжа́хом наде́жду и утвержде́ние.

На хвалíteх стихíры, глас 2:

Неисчерпа́ема есть благодáть,/ ю́же от Христа́ прия́ла еси́, блаже́нная,/ те́мже и мо́щи тво́я Божéственною сíлою непреста́нно дéйствуют чудесы́,/ к нímже притека́ющи и и́мя твоё с вéрою призывáющи/ от неисцельных болéзней исцеля́ются./ Ея́же моли́твами, Гóсподи,/ и нас душéвных и телéсных страстéй свободí, // я́ко Человеколюбец.

В по́двизех стра́нствия твоегó/ привлекла́ еси́ мно́гия ду́ши ко спасéнию,/ сегó ра́ди Христóс, нас ра́ди стра́нствовавший/ и не имый где главú приклонíти,/ зна́меньми и чудесы́ преслáвными и́стинно ты украсí, // стра́нице блаже́нная.

Добродéтели тво́я, богомóдрая Ксéние,/ к вéре обра́щают сердца́./ Кто бо, слы́ша безме́рное твоё смире́ние и терпе́ние, не удивíтся?/ Ещé же ко всем крóтость и незло́бие,/ скорбя́щим мило́вание и сýщим в бедáх скóрое поможéние,/ пла́вающим немятёжное пристáнище/ и путешéствующим благо́е поспешéние,/ вся боголéпно предвара́еши, досточóдная,/ и ны́не неувяда́емым венцём увéнчана еси́ от руки́ Вседержите́ля Бóга, // Егóже моли́ спастíся душáм нáшим.

Слáва, глас 8:

Днесь град свята́го Петра́/ просвещáется, ма́ти Ксéние, тво́ими заря́ми,/ и святы́й храм Бóжия Ма́тере

Смоленскія,/ цветы украшаем,/ вопиет ти, угóднице Христóва:/ не преста́й моли́ться о всех,// прáзднующих любóвию святы́ю пáмьять твою́.

И ны́не, глас то́йже:

Влады́чице, прими́ моли́твы раб Твои́х/ и изба́ви нас// от вся́кия ну́жды и печа́ли.

Славослóвие вели́кое.

НА ЛИТУРГИИ

Прокíмен, глас 7: Честна́ пред Гóсподем// смерть преподóбных Егó. Стих: Что возда́м Гóсподеви о всех, я́же возда́де ми? Апóстол к Галáтом, зачáло 213. Аллилу́ия, глас 6: Блаже́н муж, бо́йся Гóспода, в заповедех Егó восхо́щет зело́. Стих: Си́льно на земл́и бу́дет се́мя егó. Ева́нгелие от Луки́, зачáло 24. Прича́стен: В пáмьять вéчную бу́дет пра́ведник:

Моли́тва

О свята́я блаже́нная ма́ти Ксе́ние! Под крóвом Все-в́шшняго жи́вшая, ведóмая и укрепля́емая Богома́терию, глад и жа́жду, хлад и зной, поноше́ния и гонéния претерпе́вшая, дар прозорли́вости и чудотворéния от Бóга получи́вшая и под сéнию Всемогúщаго упоко́ившаяся, днесъ же, от сла́внаго тысящелéтия Крещéния Русí, Цérковь Рýсская прославля́ет тя, я́ко благоухáнный цвет. Предсто́яще на ме́сте твоегó погребéния, пред óбразом твои́м святы́м, я́ко живей ти сýщей с на́ми, мо́лимся ти: прими́ проше́ния на́ша и принеси́ я ко Престо́лу милосéрднаго Отца́ Небéснаго, я́ко дерзнове́ние к Немú имúщая; испроси́ притека́ющим к тебе́ вéчное спасéние, на благáя дела́ и начинáния на́ша ще́дрое благословéние, от вся́ких бед и скорбей́ избавлéние. Предста́ни святы́ми твои́ми моли́твами пред Всеми́лостивым Спаси́телем на́шим о нас, недостóйных и грéшных. Помози́, свята́я блаже́нная ма́ти Ксе́ние, младе́нцы свéтом свята́го Крещéния озарíti и печáтию дáра Дúха Свята́го запечатлéти, ю́ныя в ве́ре, че́стности, богобо́язненности и целомúдрии воспитáти и успе́хи в учéнии им стяжа́ти. Боля́щия и недúгующия исцели́, супру́гом любóвь и согла́сие низпосли́,

монашествующим подвигом добрым подвизатися помози и от поношения оградѣ, пастыри в крепости духа утверди, Церковь и страну нашу сохрани и всех боголюбивых чад в предсмертный час причащения Святых Христовых Таин сподоби, ты бо еси наше скорое услышание и избавление, тебе благодарение возсылаем и с тобою славим Отца и Сына и Святаго Духа, ныне и присно и во веки веков. **Аминь.**

Святая блаженная Ксения Петербургская, Христа ради юродивая, (Ксения Григорьевна Петрова) родилась в Санкт-Петербурге между 1719 и 1732 годами. После внезапной (без христианского приготовления) смерти мужа — Андрея Федоровича, полковника, придворного певчего, двадцатилетняя вдова ради спасения мужа всецело посвятила свою жизнь служению Богу и людям в христианском подвиге юродства (это добровольно избранный особый путь спасения, исполненный истинной мудрости, при кажущемся безумии). Свое имущество она раздала бедным, всех просила называть себя «Андреем Федоровичем» и в costume мужа пошла скитаться по улицам Петербурга.

Люди замечали, что это не просто нищая: милостыню она принимала не от всякого, а если и брала, то лишь одну копейку, которую тут же отдавала бедным. От теплой одежды зимой отказывалась и круглый год ходила в лохмотьях и рваных башмаках, подвергаясь нападкам и насмешкам. Ночами она обычно уходила в поле и молилась до восхода солнца.

Часто блаженная принимала участие в устройении жизни благочестивых христиан. В домах, куда она заходила, водворялись мир и счастье; обласканный ею больной ребенок быстро выздоравливал.

45 лет после вступления на путь юродства блаженная Ксения приходила на помощь каждому нуждающемуся. Ее подвиг свидетельствовал о полном бескорыстии, доброте, кротости, даре предвидения будущего. Кончина ее последовала между 1794



и 1806 годами, возможно, около 1803 года. Погребена блаженная Ксения на Смоленском кладбище в Санкт-Петербурге.

Во множестве люди приходили на ее могилу помолиться о упокоении ее души и незамедлительно получали помощь и утешение свыше. Тяжко больные исцелялись; неразрешимые, казалось, семейные и житейские проблемы легко решались; те, кто не мог получить желаемую работу, устраивались на хорошее место; пьяницы по молитвам жен исцелялись от пагубной страсти. Со всей России шли на Смоленское кладбище письма с просьбами отслужить панихиду по блаженной

Ксении и помолиться о даровании помощи в беде или с благодарностью за оказанное благодеяние. В 1902 году над могилой блаженной построили часовню. Ее стены были исписаны датами, именами и просьбами к блаженной Ксении от людей различных возрастов и званий, приходя-

щих на ее могилу. В 1987 году на Смоленском кладбище была освящена отреставрированная и вновь открытая часовня над могилой блаженной. Прославлена Ксения Петербургская Поместным Собором Русской Православной Церкви в 1988 году.



МЕСЯЦА ЯНВАРЯ В 25-й ДЕНЬ

**Священномученика Владимира,
митрополита Киевского**

НА ВЕЛИЦЕЙ ВЕЧЕРНИ

Блажен муж: 1-й антифон.

На Господи, возвах: стихиры на 6, глас 4:

Отче святителю Владимире, / измлада Христу поработати пламенно возделел еси / и сего ради во градех Тамбове и Киеве / богомудрию неленостно поучался еси, / идеже слово Евангелия сердцем чистым восприим / и на нем все житие твое утверждая, // Христу верен явился еси даже до смерти.

Божественное смотрение о тебе исполнися, святителю, / егда к пастьерскому деланию призвал тя Бог, / также и святительством увенчал / и души словесных овец / твоему попечению предаде, / да соблюдеши я во едином стаде // Единого Пастьера, Христа Бога нашего.

Чистоту душевную, вкупе и телесную / призывал еси хранить, / блудником и винопийцем был еси обличитель нелицеприятный, / тии бо, якоже рече апостол, / Царствия Божия не наследуют. / Сего ради смиренно молим тя, досточудне, / людем, страждущим грехи сими, // помощник буди непостыдный.

Пастьерь добрый, милосердия исполнен, / явился еси пастве твоей, святителю Христов: / егда мор жестокий и глад великий землю самарскую постиже, / о людех страждущих и алчущих / попечение непрестанное